



**Bible Châng Thlûr Bing Tûr:** *Genesis 6.*

**ṬHEN 1-NA: ZIRLÂI TLÂNGPUI THLÎRNA**

Nova khân Pathian thuthlung chu Pathian hnêna a nun a hlanna leh Pathian hmangaihna dawng thei tûra a thinlung a hawna hmangin a lo chhâng lét a. A lawng tuk pawh kha a lo pawm tawh thuthlung laka a rinawmzia tilangtu niin, chu a rinawmna chu tui lét hmâa rorêlna hnuhnûng ber lak ata amah leh a chhûngkua chhandam a nihna hmanga lâwmman pêk a ni ta a ni.

**ṬHEN 2-NA: ZIR ZÂUNA**

**Sual chu**

Kaina thil tih sual kha rilru-a hre reng chungin hêng thute hi ngun takin ngaihtuah ang che: “Tui tlinga lung kan vawm luh chuan bial inthuah eng emaw zât a lo awm ṭhîn a. Chutiang deuh chuan sual pawh hian sual dang tam tak a hring chhuak ṭhîn. Kaina thinlunga thinrimna a lo awm khân tualthah hial duhna pawh a lo piang ve chhawm ta nghâl mai a nih kha.”—Philip

Henry, in Frank S. Mead, *12,000 Religious Quotations* (Grand Rapids, MI: Baker Books, 1996), p. 407.

“Sual chu pawns lam lang theia kan thil tih hi ni lovin, kan rilru-a awm, kan rilru puthmang a ni zâwk.”—William Sewell, in Frank S. Mead, *12,000 Religious Quotations*, p. 409.

“Khawngaihnaa khat Siamtu chuan Kaina nun kha a zuah a, a sual a sim theihna tûr hun tha a pe bawk. Mahse, Kaina kha chuan mi sual, mi zawng zawngin an hnuchhawn tawhte hotu ber nihna kawng lam chu a zawh lui tlat si a ni. He kalsualpa, Setanan a hruai hi mi dangte pawh thil sual ti ve tûra thlêmtu a lo ni a; an thil tih tha lo tak takte ang kha mi dangte pawhin lo ti ve-in, lei hi khaw lohna leh tharum thawhnain a lo khat ta a; chuvâng chuan an chungah chhiat hlenna a lo thleng ta nge nge a ni.”—Ellen G. White, *Thlahtubulte leh Zâwlneite*, p. 78.

### **Nova kha**

Ram Thianghlim-a hnim hlîng nei chi hrang hrang kêra rawn to ve Amaryllis lily-in a pâr rim tui tak a tichhuak thîn ang hian Nova nungchâng chuan tui lêt hma khawvêlah khân vânram rimtuina chu a puang chhuak thîn. Nova tih awmzia chu “Yahwehan a thlamuan” tihna a ni a. Keimahni ang bawka suala lo piang chu ni ve tho mah se, Yahweha rinnawmna chuan Adama thuthlungah khân a thlamuan tlat a ni. Chu chu Nova beiseina leh chhandamna kawng awm chhun a ni a. Tleirâwl a nih lâi aţang tawh khân Pathian khawngaihna chuan dân mumal awm lohna khavêlah pawh thuâwihna nun nei tûrin a lo kâihruai daih tawh a ni.

“Tui lêt hmâa mihringte kha kum za eng emaw zât dam an ni hlawm a, *kum za emaw vêla upa an nih tawh pawh khân thalâi angah ngaih an la ni. . . . Kum sawm ruk an nih aţanga kum za an nih chhûng vêl kha* an tha zat hun lâi ber a ni a, chu hun chu keini tûn lâi huna chêngte tha a thum ţan hun a ni ve tawh thung.”—Ellen G. White Comments, *The SDA Bible Commentary*, vol. 1, pp. 1089, 1090.

### **Pathianin Nova a thlunpui thuthlung**

“Genesis 6:18 thu hian a tâwi tek tawh hle nângin, thu pawimawh tak, mihringte hamţatna tûr thu a sawi a. Tui lêt laka dam khaw chhuak tûrte nêna thuthlung siamin Pathian chuan

a khawngaihna leh lainatna nasa tak mai chu a hrilh a. Tùn huna mihringte himna leh nakîna an la chan leh tûr chhandamna chu Pathian khawngaihna leh an tâna a thil tih ațanga lo piang chhuak a ni țin. . . .

“Thuthlung siam dân phung pângngâi ang, entîr nân, ‘thuthlung tan’ tih emaw, ‘thuthlung siam’ tih emaw ang kha chu he lâi thuah hian a lang ve lo va. A ẵngkam hman chu *tinghet* (Hebrai ẵnggin, *heqîm*) tih a ni. He ẵngkam hi thuthlung siam thu nêna inzawma hman a nih dân ngun taka han chhui hian ‘vawng nung’ tih emaw, ‘nemnghet’ tih emaw pawimawhna a lo lang a (Deuteronomi 9:5; 27:26; 1 Samuela 15:11; 2 Samuela 7:25; 2 Lalte 23:3, 24 en la). Hei hian Pathianin a thuthlung a tihngheh hian a hmâa a lo tiam tawhte kha tihhlawhtlin ngei a tumzia a tilang țin.”—Gerhard F. Hasel and Michael G. Hasel, *The Promise: God’s Everlasting Covenant*, p. 29.

### **Chhimbâl chhinchhiahna**

Khawngaihna thuthlungah chuan rawng chi hrang awmna chhimbâl hian thil chi hnih a târ lang a. Genesis 9-ah chuan vân boruaka lo lang chhimbâl hian tui lêț ațanga dam khaw chhuak Nova leh a chhûngte hnêna Krista khawngaihna leh lainatna chu a entîr. Tin, Krista chuan ni hnuhnûnga a la bâng awmte hnênah Pathian lalthutthlêng hualtu chhimbâl chu a la puang chhuak leh baw k ang (*Ezek. 1:26–28 leh Dan. 12:1, 2 en la.*)

“*Chhimbâl, Pathian lalthutthlêng ațanga lo chhuak ropuinain a hual vêl chuan vân khi a kâp êng sût mai a, tin, ẵnggâina hlântu apiangte chu a zâm hual baw k niin a lang. Mi tam tak thinrim pungkâwmte chu thâwk leh khatah man vek an ni a. An thinrim awrâwl ring tak takte chu a reh ta. Tualthah duh hial khawpa an thinrimna chu theihngihil a ni a. Hlau leh khûr chungin Pathian thuthlung chhinchhiahna chu an thlîr a, chumi êngin thiltihtheihna nasa tak a neih lak ațanga bîrûkna tûr hmun chu an zawng ruai mai a ni.*”—Ellen G. White, *Indona Ropui*, p. 636, (*Thup. 6:13–17 en la.*)

### **Nova chiah zuah a ni**

“Bible-ah hian chiang taka a la bâng tih tawngkam kan hmuhna hmasa ber chu Genesis 7:23 hi a ni a: ‘Nova leh lawnga a hnêna awmte chauh chu zuahin an awm ta a.’ ‘Zuahin an awm’ tih tawngkam hi Hebrai thumal, *sa’ar* tih ațanga lehlin niin, chu chu Thuthlung Hlui lehkhahute-a a la bâng sawina tawngkam hrang hrangte lo chhuahna a ni bawk. . . .

“Khawvêl pum tichhe vektu tui lêt lak ata chhanchhuah tâk a la bângte kha Pathian ringtu leh amah rinchhan tlatte an nih tih hi kan hai dêr thei lo (Genesis 6:9 leh 7:1 en la). Bible hian Nova hun lâia tui lêt kha tâwpna huna chhiatna lo thleng tûr lo entîr lâwktu anga a hman avângin hetiang zâwnga lo thlîr hi a pawimawh tak zet a ni.”—Gerhard F. Hasel and Michael G. Hasel, *The Promise: God’s Everlasting Covenant*, p. 31.

“Lawng tuk nâna Novan a chhawr mistiri (carpenter) thenkhat khân a thu sawi an ring a, mahse tui a rawn lêt hma khân an lo thi hman a; chutih lâiin thenkhat dang chuan an rinna chu an tlûksan leh si thung a ni.”—Ellen G. White, *Fundamentals of Christian Education*, p. 504.

“Mi sâng tam tam finna chu mi pakhatin a kalh a ni si a. Inbuatsaihna thuchah chu an ngaihsak tlat lo. . . . Krista chuan a lo kal lehna thu-ah hetiang anga rin lohna hi a lo awm leh dawn a ni tiin a sawi rêng a. . . . Khawvêl nawmsakna chu kohhran nawmsakna a lo nih ve a; inneih dâr ri te hriat a nih a; mi zawng zawngin khawvêl hausakna an beisei lâiin thâwk leh khatah vân ațangin têt a lo tla thut ang a, an thil nghah leh beisei zawng zawng chu a boral nghâl vek ang.”—Ellen G. White, *Indona Ropui*, pp. 337, 338.

### **THEN 3-NA: NUNA BEL TÛR**

**Ngaihtuah zui atân:** Suala piang mihringte zînga ța ber pakhat chu Aristides-a kha niin, hmânlâi Atheni khuah khân a chêng a. Mi dik tak, ngilnei tak leh fel tak a ni. Mahse, a hun lâia mi tam zâwk daihte khân an khuah ata hnawhchhuah an duh tlat mai

kha eng vâng nge ni? A chhan chu “mi dik” Aristides-a tia sawi a ni thîn kha an kham tawh êm atin ni. Aristides-a thil سوال تih تih awm chhun chu a mi dangte âia a ða lawrlak kha a ni ber mai.

- ❶ Aristides-a chung a thil thleng ang deuh bawh hian Nova “thatna” hi hre lo ta ila, tui lêt hmâa khawvêl mihring sualzia kha kan hre thei kher âwm lo ve. Novan a lo tawn tawh ang deuh bawh khân kan nuna Krista zuitu kan nihna kan lan chhuahtîr dâwn chuan a man kan pêk ve a ngâi ang. Kristian dik tak ni tûra a man i pêk ngâi chu eng nge ni tih ngaihtuah la. Aristides-a leh Nova te ang khân dik lo taka kan chung a miin thil an tihte tawrh theihna rilru fei leh fân thei kan nei ve em le?
- ❷ Rome 12:2 thu hian khawvêl dân ang a awm lo va, chumi lak ata chu danglam zâwk tûrin min hrilh a. Chutiang chu tih theih a nihzia pawh Nova nun aţang khân a Chiang hle mai. Khawvêl dân ang a awm tûra thlêmna laka kan tlûk loh nân Nova nun aţang khân eng nge zir chhua theih kan neih? Pathian hian mi dangte thlarau dinmun hi ngaihsak tûrin min beisei i ring em? I chhâna chu tûn lâia thu hretu kan nihna kawnga chona kan hmachhawn mêkte rilru-a hre reng chungin han sawi fiah teh.
- ❸ Nova hun lâi khân rilru lama buaina neite dahna bîk damdâwi in lo awm ta se, a “thiante” khân chu damdâwi inah chuan an dah ngei ang le! A thil sawite leh thil tihte kha “âtna” thil tih ni vekah an ngâi dâwn si a. Pathian finna chu he khawvêl hi chuan âtnaah a ngâi thîn rêng a ni. Keini thuthlung neitute pawh hi khawvêl mite nuihzat leh dik lo taka an puh kan ni thei ve tho a. Eng tin nge chutianga miin min tih hun atân chuan kan lo inbuatsaih lâwk theih ang? Chutiang hun i tawn châng a i hman ţangkâi theih Bible thutiam eng engte nge awm? Pathum tal han sawi teh.

- ④ Genesis 6:6 hian Pathian chu tui lêt hmâa mihringten sualna avâng a rilru nat thu leh, mihringte a siam ta pawh a inçhâr rum rum thu a sawi a. Pathian a inçhâr tih hi eng nge ni a awmzia ni le? Pathian a inçhâr tih tawngkam hian thil a tvisual palh ve thei tho tih a tilang em?
- ⑤ In Genesis 6:9-ah chuan Nova kha mi dik leh sawisêl bo nia sawi a ni a. He a nihna chhuanawm tak hi Nova khân Pathianin a pêk pawh ni lovin, a rawn pianpui ve rêng a ni em? Novan a neih nia sawi felna kha eng ang felna nge ni ang?
- ⑥ Pathianin thu thlunpuiah mihringte a rawn sâwm kan tih hian Pathianin mi “mamawhna” lâi a nei ve tho tihna a ni em? Han sawi fiah teh. Mi a lo mamawh ve tak tak a nih chuan, eng lâiah hian nge min mamawh ni ang?
- ⑦ A la bâng tih thu awmzia hi mi tam tak tân chuan hriat thiam a har hle âwm e, chapo leh inti eng emaw nih hlawh phah mai pawh awl tak tûr a ni. Bible-in a la bâng tih a sawi awmzia hi ngun takin ngaihtuah ila, eng vângin nge a la bâng kan nih avâng hian chapo emaw, mi chung tlâk emaw rilru put a rem loh êm êm zâwk le?